



Орган Лемковского Союза.

Выходит в каждый четверг.

Редакция и администрация в Крынице. — Адрес „Лемко“ Крыница.

Слідуючий номер вийде в четверг. дня 2 мая (19. квітня) 1935

Вшитких тых, котрым переслано календары для продажи, пр сит редакция о присланє одержаных с роспродажи грошей.

Вшитких пренумераторов просит ся выровнати пренумерату за прошлый рік и вплатити ю на рок 1935.

Вписуйте ся в члены Лемко-Союза! Членска вкладка выносит 2 зл. рочно. Лемко-Союз выпл чат св им членом в несчастьях зап могы и так: 1) в случаю смерти члена 70 зл., 2) в случаю страты к р вы, або к ня 50 зл.



Пренумерата в краю:

30 грошей місячно,

80 „ квартално

1.50 „ пєлрочно,

3 зл. рочно.

В Америці: 1 дол. рочно.

В Чехословакии:

2 кор. місячно, 10 кор. полрочно,

20 кор. рочно.

Контото чеков: Нр. 404.155.

ХРИСТОС ВОСКРЕС!

Христос воскрес!...

Радостно бют дзвоны...

Земля ожила, зазеленила ся под теплыми лучами весняного сонца.

Всяди жите!

Жите полне радости и надежды.

И в сердцах людей збудила ся радость и родит ся глубока віра, же Правда и Добро все побідят, як побідил Иисус Христос, котрый по смерти воскрес. С переполненных церквей, с набитых толпами людей храмов разносит ся радостна піснь:

Христос воскрес!

Для нас, руских лемков свято Світлого Воскресеня ест особенно радостне. Оно кріпило нас в часі недоли, в часі Талергофских тюрем и шибениц, оно напавало нас все віром, же надийде день радости, же справедливость перемаже всякы мытарства и лож.

И пришол тот час. По долгих старанях, просьбы и мольбы наши дали добрый результат, мы достали того, о што старали ся, мы мае своего русского Владыку, котрый водворит в наших селах наново любовь и згodu. Тота наша побіда напават наши сердца радостью и віром, же поволи и други наши оправданы жадања осягнеме, як сумієме ити все дружно компактном масом, як потрафиме отличити куколь от зерна, як не даме ся баламутити ріжным непрошеным опекунам—зайдам, як зрозумієме вартость и ціль организации.

Зачала ся серед нас работа, котра мала выказати, же у нас сут вартости, же розумієме правду житя, же с той правды снуєме внесєня, могучи нам служити яко ясны указатели на будучность, же наконец умієме ушановати и цінити свой найвекший скарб, свое Руске Имя и погодити его с нашим обовязком в виду Державы. Работа наша не ест скончена. Лежат ище перед нами величезны трудности и перешкоды, котры треба переломити, лежит велика толока, котру треба переорати и одобрити. Работа тот не

на одно поколіє, бо того, што наробили нам наши непрошены опекуны—зайды в часі світовой войны и погодивше, не даст ся отробити в продолженю килькох літ. Але власне, здаючи собі справу с тых трудностей, треба нам всім закотити рукавы и взяти ся енергично до народной работы, каждый по силам своим. Май не оглядат ся никто на другого, най не гварит, же то до мене не належит, але каждый на св ем терені, в св ем селі, в своей читальні ци кооперативі най памятаєт, же ест тым важным вояком на своем місци и от него залежит наша доля.

Днеска, в день Світлого Воскресеня, котре то свято ест символом отрождения, символом побіды Правды и Добра, тэты справы треба собі добре роздумати. Належит вглубити ся в себе и звідати ся, ци хцєме взяти участь в тій роботі над отрождением, ци тыж хцєме быти вышмарены поза скобки событь. Ци маме творити организацийну силу до общого ділання, ци тыж село має позволити роздерати ся на фалаткы ріжными непрошеными опекунами и притаковати фальшови, демагогии и неосуществимым приречениям.

Віриме, же народ, найде в собі належитый отвіт. Прото тыж особенно радостно святкуєме тогорочный праздник Світлого Воскресеня. Нехай с тым радостном пісньом счезне всяка незгода и вражда с наших гор, а на их місце в дворит ся братска любовь и доброжелательство!

П И С А Н К Ы.

Ест у нас престарый звычай, же на Великодны свята люды фарбуют яичка и прикрашають их рисунками и ріжными кольорами. Таки яичка называєме писанками, або крашанками.

О повстаню тых писанок кружат ріжны преданя и легенды, а може пайладнійша

Христос воскрес!

Надышол уж день радостный
С давна нами жданный,
То Спаситель воскрес с мертвых,
Гонит наши раны.

Прибитый Он был до креста
Три дні был в могилі.
Днеска воскрес, світ преміняєт
В Своей свіжій силі.

Сказал Ангел тром Мариям:
Глядаєте даремн. —
Христос воскрес, Он перемог
Гробы глухы,—темны.

Радуют ся християне
Спішат в храмы Божи.
Там молят ся и співають,
Славят Имя Боже.

Мат.

с них ест слідуюча. Коли Иисуса Христа—Спасителя нашего прибывали до креста, потекла с Божих ран кров и каждая капля той крови стинала ся и заміняла в маленке червене (красне) яичко, от чого повстала назва крашанка.

Божья мати стояла под крестом, обливала тоты крашанкы слезами и заміняла их на писанкы (якбы по них писала), Свята Марта позбєрала их вшиткы, а Божья Мати роздала их пак дітям на памятку и пересторогу, штобы жили с собом в згоді и любили ся взаимно.

От того часу в Великодны свята люды обдаровуют ся взаимно писанками, як сходят ся в церкви, штобы „без згрызоты и помсты отсвятковати“ и штбы могли цілий рок и вшиткы наступны жити все в згоді.

ПОДУМАЙТЕ.

Вшитки добре знаме, што народ наш рве ся до всякой работы, лем барз часто трафят ся так, же не знае, як брати ся до даного діла. Нераз видиме вельку охоту у наших селян, ци то до працы в читальні, ци в кооперативі, ци молочарні, ци в аматорском кружку и хорі; але охота, то барз велький варунок, лем не wystarчayчий, бо крім того треба ще уміня и науки до даного діла.

Проте барз часто у нас найліпши порывы, найщирша охота до якоїсї работы общественной в даном селі кончит ся на ничом. Ніт непресту людей, котры бы знали, як до дачого брати ся. Часто преця бесідуємо, што в селі ніт інтелігентного чловека, котрий бы керовав роботом, котрий бы зарадил людям, котрий бы вконеци розумно попревадил добру волю и охоту селян, штебы добити ся чогоси ліпшого.

И то свята правда. У нас страшный бран по селах своєї, руской інтелігенції. Повтаряме руской, бо о такого нам передовсем ходит. Інтелігент український щиро нам нигда не буде помагати, бо ему перед очима все буде лем „україна“ а не організація народних сил, лем их „роботе“, одним словом „укр. політика“.

Если отже так ест, если сознаємо, што нам потребны наши рускы, народу своему отданы, інтелігенты, то подумайме ян бы о них постарати ся, як бы их здобыти. Подумайме...

Отповідь дає ся ест лем одна и проста: Посылайме своих дітей до школ. до міста. Але ту каждый ловіст: та добре, реку, тоты слова барз красны, лем же на науку треба пенязий, а ту их ніт.

Признаємо, што то перешкода велька, але ци

направду така страшна, што ей не можеме побороти.

Йой ніт и ніт. Подумайме! Ясна річ, што вшиткы мы престо лемкы вшиткых своих дітей вивчити не потрафиме. Але и не о том я бесідую. Wystarчит, як с каждого вела пошлемо 2—3 хлопцов. Направду wystarчит.

А ци праві в каждом селі не найде ся 2 газдов, маючих способных сынов, котры бы могли якоси постарати ся о кильнамадцет злотых місячно на оплату за удержане и науку сына.

Подумайте, а вера Божи, же повісте, што правду гварю. Може тепер дакто отповіст, же на тоте, штобы ачити сына треба не кильнамадцет, а вельо больше злотых. Як? где? повісте, так дешеве вчат и істи дают.

Ест у нас в Горлицях стара, наша руска бурса, одынока на цілу Лемковщину. Ей першом и едыном задачом ест помагати сельской молодежи здобывати образоване, штобы потом могла працювати для народа. Повтарям, помагати, а не як дакто сой мислит, заробляти на удержаню учеников.

А ци ся поинтересовали том бурсом, ци зме ся звідали, ци там бы не прийняли нашого сына. Йой! яны зме лінывы!

Може до того часу и не могла тота бурса принимати учеников по бара никакї ціні, бо не она винна тому, же чужды людз в часі войны наробили долгов, котры до тепер бурсе тиснули. Але на счастье, долги тоты уж в найблизших місяцах будут в цілости выплачены, лишило ся лем 3 невеликы раты и масток бурсы буде чистый от обтяжень. Бурса отже стає на нормальны торы. Больше як до тепер зможе помагати нашой молодежи.

Але тото в велькой мірі залежит и от нас. Дывне вам. Зараз вам выясню.

Если мы дальше будеме сидити с заложеными руками и ждати манны с неба, то на нич вшитко. Если дальше в бурсі буде лем 20 хлопцов, а мы ным не будеме интересовати ся, то певко же ей тяжко буде выполяти свои задачи, тяжко буде росширити ся.

А если мы добре подумаем, если зрозуміємо сами и другим повіме, же треба старати ся о як найбільше число учеников в бурсі, если до того в осени шмариме на фиру по пару комперов, а в зимі по три дровна и отошлемо до Горлиц, то повірте мі, же доправды бурса зможе утримати и ачити біднійших сельских хлопцов за оплатом пару злотых в місяц.

А яка користь буде с того. Велика, барз велика и то для нас вшиткых и для родичей воспитанников бурсы и для цілого народа.

Тоты ученикы, котры выйдут оттамаль, хоцбы ся не вивчили на великых „панов“ (бо не о то нам конче ходит), але як бодай 3—4 рокы побудут в бурсі, вернут ся до своего села и с процентом отдадут тото, што ся на них выдаю. Вернут ся рускыма людми, готовыма до працы в селі, и як дакстры вивчат ся на „панов“, то будут таковы, же не повстыдают ся вашого руского имени, вашей сельской стріхы и вашого простого кожуха.

Завитают до вашого села, до вашей хыжи, потішат вас, помогут вам и поучат вас доброго.

Тож подумайте газдове. А памятайте же наука світ, а неучтво тьма!

Доброжелатель.



Рускы братя.

На самом початку світової войны, коли то обнята страшныма муками, тяжко заплакала вся подневольна Галичина, закрывавила ся и наша,—руской ідеї все вірна,—Лемковщина. Принесла она на олтар Отчизны свои лучши жертвы.

Не прошуміл ище належито свист куль, закончивших жите руского подвижника о. Максима Сандовича, як на городской стрільниці в Новом Санчі перед кулями килькадесяток карабинов станули безборонны, але с гордо поднесеном головою стойкы рускы патриоты отец и сын: бл. п. о. декан Петро Сандович и Антон Сандович. Станули и послідным взором глянули на освітлены ясным сонцом верхы родинных гор, где так честно и благородно трудили ся.

Не грянул роковой выстріл..., а ехом ему с певностью отбили ся высказаны Антоном Сандовичом, на позорном для Австрии судилищі, слова: „за переконаня вы судити не можете, а діл карыгодных не найдете... я за правду не бою ся смерти... история, чиста и правдива, опомне ся колиси о нас!“

Рускы братя. 28. вересня 1914 р. засужены польовым австрийским судом в Санчі, наши лучши крайне, честны и чисты як криштал в своих ділах, отец и сын Сандовичи, понесли свою мученическую смерть с надмірною любези до нашего руского имени, для засвідчення своего привязаня до нашой великой ідеї, за нашу руску правду,—а на позор и вічну ганьбу лжесвидітелям, братам-каннам, отрекшим ся своего историчного имени.

От той хвилі минуло уж 20 літ. Тіла тых народных мучеников до днеска лежат забыты на місци казни, на т. зв. „Гелені“, Протягом 20 літ мы нич не зробили для отданя чести их світлой пмяти. Лем 30. вересня 1934. в 20 рочницу их смерти отбыло ся в Брунарах Выжних, горлицкого повіта, велике поминальне богослуженє за души бл. п. о. П. и А. Сандовичей. На собраню, отбытом по том богослуженю присутны одноголосно рішили заняти ся перенесенем мощей обох мучеников с чуждой землі до села Брунар, (где покойный отец декан был долголітним парохом) и там поставити им достойный памятник. В той ціли выбрано собранем „комитет по чествованю пмяти о. П. и А. Сандовичей“.

Приступаючи до реализации поручень. Комитет тот звертат ся до всіх рускых людей, а передовсем до лемков, без ріжницы их религиозных переконань, а также до наших братов в Америкі с горячим призывом поспішити с пожертвованями на устройство торжественного перенесеня мощей мучеников Сандовичей и побудоване памятника

Братя! Почтийте достойным образом тых, „кто жизнь свою отдал за други своя“. Не допустме до того, штобы могила их зникла без сліда!

Перенесеме их мощи до Брунар, поставиме им крест-памятник и у его подножа будеме в тяжких хвилях наберати сил и охоты до дальшого народного труда. Там розмысляючи, будеме учити ся, як належит любити свой народ, свое руске имя. Под тым крестом рочне збереме народ и отдаме належну честь Героям правды, хоронителям рускости Лемковщины, жертвам каиновой работы врагов

руского имени. Руску молодеж призываеме заняти ся сбором найдробнійших навет пожертвовань в своих селах. Всі даткы будут оголошены в рускых газетах.

Жертвы просиме посылати на руки председателя комитета: Николая Юрковского, упр. школы в Сквирном, почта Усте Руске,

Комитет по чествованю пмяти о. П. и А. Сандовичей. Н. С. Юрковский вр. председатель, Р. Г. Максимович вр. секретар, члены: С. Печух, П. Кузмяк, В. Трохановский, Д. Войтович, Р. Шпитко, П. Одомірок Брунары, А. Гамбаль, Н. Корбич Снітница.

До того часу пожертвовали в зл:

- 1) д-р М. Усцький, Чехослов.—6 зл. 54 гр.,
- 2) Н. С. Юрковский, Сквирне—5 и вызыват: о. Д. Хыляка Избы, о. Р. Прилопского, Жегестов, Д. Бубняка, Вапеніне, М. Юрковского, Полянка—Кароль, Анну Юрковску, Сквирне Н, Курхилло, Секерчина, Т. Фучилу, Зав. Рым. и М. Кметка, Вітрне, 3) Р. Г. Максимович, Горлицы—5 зл. и вызыват: о. канцлера И. Поланского, Рымаков, Д-ра В. Ваврыка, Львов, м-ра И. Скоморовича, Бережаны, г-жу Павлишин, Радоцина, М. Васильца, Скаржиско и Гр. Евусяка, Лосе. 4) В. Л. Кордасевич, Горлицы—3 зл. и вызыват: В. Біка, Ярослав, Е. Левицкого Ходоров, инж. В. Радюка Варшава, Е. Литвинску—Львов, К. Трохановску, Крыница и Т. Ядловского, Смерековец. 5) Мгр. И. Герасим, Горлицы—2 зл. и вызыват: о. И. Потерейка, Мельнич, д-ра М. Лакусту, Журавно, о. Н. Бобыляка Ліяховичи под., д-ра Р. Дуркота (Старый Самбор, Н. Запоточного, Сянок и мгра Н. Лысяка, Каманка Лианки.

ВЕЛИКДЕНЬ.

Великдень, одно с найрадостніших свят християнских приняло традицию давного поганского свята весны. С том традициом принято также моц обрядов, особенно в краях словянских.

Пересвідченє, же то сут поганскы обряды и приниманє городскых звичаєв впливають на то, же такы стары обряды затрачають ся штораз больше и тепер заховали ся они лем в отдаленых горських селах. Интересны обряды заховали ся у нас, на Лемковщині и варто собі их пригадати.

В Квітну Неділю єст в дакотрых лемковскых селах звичай, же хлопцы бють ся багнітками и притєм гварят: „За тыждень, Великдень, бє, не забє, за тыждень Великдень”. Дакади гылтають багнітки и вірят, же тото приносить здравє. Тот звичай єст также у поляков и упоминат о нем Николай Рей, писатель польскый с XVI. столітя в словах: „W Kwietniu Niedzielę, kto bagniatka z palmy wielkanocnej nie polknał, ten zbawienia nie otrzyma”. Як выганяють у нас перший раз живину на поле, або овцы на кошары, то бють их багнітками, што має приносити здравє и давати кор в ам и овцам молоко.

В Страстном тыждні дівчата займають ся фарбованєм яйц.

Переважають яйца в одной барві, нпр. червены, жолты, сины, чорны. До фарбованя тых яйц уживат ся найчастійше природных фарб, котры одержує ся через вывар кореня сливок, зеленого жита, лупы цыбулі и других рослин. Часами пишут на яйцах воском ріжны образы и втотчас называють ся такы яйца писанками. Яко образ выступат часто стилизована свастыка символ сонца, с чого можна додумовати ся, же тоты образы сягають также поганских часов. Зрештом нїт в тѣм нич дивного, бо яйце было уважане все за символ сонца и повставаня жита. О крашеню яйц єст дуже легенд. Одна с них голосит, же коли Исус Христос висїл на кресті, одна жена с кошиком яйц приклякла и молила ся, а стекаюча с ран кров, пофарбовала яйца. По иншой легенді „Божя Мати также писала писанкы малому Исусу” и прото газдынї фарбують яйца и роздають их при церкви дітям,—передовсем св им крестным. Шкарлупы с употребленых до паск и иншого печива яйц надівають на галузки овочовых дерев, што дає добрый урожай и хоронит дерева от бури и градобитя.

В Великодну неділю вчас рано спішат люды до храмов Божих, где бють весело дзвны и гул их розносит ся по цілом селі и отбиват ся о верхы гор. Там священник в світлых різах, окруженный толпом людей, тримаючих в руках горіючи свічки, ходит вокруг церкви и всі співають радостну піснь: „Вскрес Исус из гроба, якоже прорече”...

То всеночне, по котром зараз єслужат Утреню. По Утрені народ горне скоро до дому, поздоровляючи ся словами: „Христос воскрес”, на што други отвічают: „Воистину (направду) воскрес” и бере приготовлены дары Божи, котры несе до церкви. Тоты дары Божи благословит священник в церкви. „Святили ся сыр, паска, колбаска”, бесідують у нас люды. Так по Службі Божой, несут свячене до домов, причєм понагляють ся, бо кто скорше „до хыж приде, тому зерно скорше зыйде”.

В перший день свят остає каждый вдома,

До рсдины и знакомых иде ся в другой або третий день. Через вшиткы три дні бють перед богослужєнем во вшиткы дзвоны.

В другой и третий день єст звичай поливаня ся водом. Звичай тот зягат барз давных часов.

На Бойках и Гуцулах

кромі подобных до наших обрядов сут ище и инши. Дзвоны бють там безпрерывно всі три дні. На площах, або на цмєнтері коло церкви сходят ся цілыма днями стары и молоды, хлопцы и дівчата стають в два отдільны ряды и співають так званы гаилкы. Забаву починають все пісньом о Зелмані:

- 1) Иде, иде Залман
Иде, иде єго брат,
Иде, иде Зелманова
И вся єго родинонька.
- 2) На який грунт Зелман
На „ „ „ єго брат
„ „ „ Зелманова
И вся єго родинонька.
- 3) На пшеничный Зелман
„ „ „ єго брат
„ „ „ Зелманова
И вся єго родинонька.

Зелман жадат дівчатка. Дівчата не дають єму, але поволи вшиткы идут до него. Піснь тота має початок в тых часах, коли то діди-чи выарендовали села и корчмы жидам и жида мали ключи от церквей. Людє втотчас могли входить до церкви лем за оплатєм, даваном жидови и на Великдень ждали с пасками, коли приде Зелман и церков отворит. С тых часов походят также великы гостины с пиятыком в часі весіль, крестин и погребов, бо жид змушал людєй до купна у него горілки за открытє церкви. С инших гаилок найладнійши сут такы:

Ой зацвили фиялки, зацвили,
Аж ся горы с долинами закрыли
Зберала их Марусенька зниска
А за нею братчик зблиска.
Ходже ты братчику за мною
Бо любя мі бесіда с тобою.

або высувають ся дівчата наперед и співають:
„Мы вам даме, мы вам даме корову
с телятком”.

а на то хлопцы отвічают:

„Мы не хотим, мы не хотим коровы
с телятком”
„Лем нам дайте, лем нам дайте панну
с панненятком”.

Пак дівчата хотят дати кобылу с гачатком, овечку с ягнятком и т. д. але хлопцы все жадають „панну” и дівчата переходят на стовону хлопцов.

Таких гаилок єст дуже и каждая має свою назву.

Веселых Свят!

Най смуткы, згрызоты будут чуджи нам
В веселый, радостный день!
Най мир и покой загостит к нам
Днеска—в тот Світлый Великдень!

Христос воскрес! Он поправил смерти!
Запановала Правда—Добро.
Не отвергаймеж Его наук,
Але Их вводим в діло!

По словам Христа: „Мир несу вам!”
Желаем мира другам!
Забудме зло, простим кривды
Сегодня нашим врагам!

Мат.

Не розділяйме ся!

По широкой русской землі лунает веселый гул воскресного дзвона.

У нас на родной Лемковщині, начинаючи от Шляхтовского Потока до жерел срібнолентого Сяна голос того воскресного дзвона звучит особенно громко и радостно, бо Лемковщина специально чутко переживала вшитко тото, што звязано с прадідном традициом и церковными обрядами.

Во всіх храмах, во всіх хыжинах, по всіх полях, луках и доргах звучит на устах всіх людєй доброй волі привітливый возглас „Христос воскрес”.

Воистину воскрес — а разом с Тым, Котрый страдал и умер за род человеческий — воскресат до нового жита человек и земля.

Хвиля тота особенно радостна для нас сынов убогой каменистой Лемковщины, бо мы занемогли в неровной борбї со всіма противностями жита, мы устали во взаимной борбї, яку завели мы медже собом на радость и користь тых, котры должны были нести медже нас згоду и братску любовь, а шмарили кость незгоды, бо хотіли нас ослабити.

Нас мало—бо парусот тысяч, а мы поділили ся на вірі и вмісто того, штобы быти „єдиногo сердца и єдиной мысли” мы медже собом враждуєме.

Украинскы „єгомсци” довели нас до отступительства от церковной єдности, але наближат ся рокова хвиля, коли мы лемкы зрозумієме, што мы за слабы на тото, штобы ділити ся на вірах и што тѣты, котры перешкаджають нашою сполучєню, чинят тото лем со страху, штобы не стратити кусок хліба.

Длятого в торжественный день Воскрєсєния Христоваго забудме о том, што нас ділит, понад головы тых, котры нас держат в узак взаимного недовіря, подайме собі братскы руки и призадумайме ся над тым, як нам знова сыйти ся и жити в згоді.

Не „гордыйский” узол а просто украинске нахальство.

Старинны грекы оповідали собі, што колиси в малоазиятском місті Гордия был шнур, на котром был узол так тяжко и штучно завязанный, што никто не мог узла того розвязати.

Доперва герцог Александер Македонский, котрый поборювал всі перешкоды, наколи казали єму штобы попробовал розвязати „гордыйский” узол, выняв меч и цільным ударом меча перетял тот узол, котрого никто не годен был розвязати.

„Украинский Бєсид” число 13. из квітня 1935. в дописи „Гордыйский узол” наводит, што недавно їздила „якась делегация из Зындрановы до Апост. Администратора, просячи, штобы забрал собі священника украинца, бо иначе перейдут на православє.

Коли о том довідал ся „загал мешканців” Зындрановы выслано сейчас до Апостольского Администратора другу делегацию, котра мала сказати, што именно тогды село перейде на православє, коли заберут им того священника-украинца.

„Укр. Бєсид” заходит в голову, як Апост. Администратор розвяже тѣт „гордыйский узол”.

Обвіщенє в ділі покликания подофицеров и рядовых на войсковы вправы.

Звертаме увагу на покликанє подофицеров и рядовых резервы на войсковы вправы в р. 1935. Близши подробности в обвіщенях.

Цілий тот „узол” містит ся в том, што єсли в Зындранові єст 95 проц. людей рускых, котры не хотят священника-украинца и высылают делегацию, штобы єго забрали, то тота делегация зве ся по украинскы „якясь ніби делегация”, а єсли остальных 5 проц. людей Зындрановы ксьєндзовскых лизунов пойдут всі разом до Рыманова, а по дорозі доберут собі ище помоч из першого ліпшого роздорожа, то по украинскы гварит ся, што тота делегация репрезентує „загал мешканців”.

И таких „гордийскых” узлов панове украинцы найде ся в каждом селі, бо хоцбы ціле село было руске, то все украинский священник найде пят до десят людей, котры пойдут просити зи ним до Апост. Администратора.

Все найде ся дяк, косцільник, хоц два провизоры, два три газдове, котры арендуют у священника грунт, и уж єст с кого выслати делегацию, котра буде представляти по вашему „загал мешканців”.

Не єст то отже жаден „гордийскый” узол, а прямо звичайне украинске нахальство.

Протягом послідных десятков літ, коли церков была на услугах украинской политики так панове украинцы ся розопсили, так роззухвалили, што єсли их было в селі лем 5 проц., а рускых 95 проц. то все украинцы знали, што их право и рация, а не тых котры становлят большость.

Што против них значит большость, раз они украинцы?

Але тепер панове настали инши часы, часы в котрых буде рішати большость, а не ваше нахальство.

Смерековец (пов. горлицкый). По судовом выроку. в котром выказало ся, што священник наш, Василь Шевчук, напал на читальню Качковского с процесиом, и по трох судовых росправах, в котрых суд доходил килька раз сестра єгомосця Марія Шевчук достала по гамбі и по зубах и килько раз достала пару копняков там, где ся плечи кончат, Бог змиловал ся над нами, бо о. Шевчук достал порученє ище перед Пасхом вынести ся из Смерековца.

От того часу матер єго (вдова по ключнику криминальном) ходит по хыжах и оповідат бабам, што священник, к трый приде на місце єй сына не буде так долго правити в церкви богослужень як єй сын, не буде так широко ся молити — одним словом хоче возбудити по сыні своим як найвеце жалю.

Также старый лямполиз, Кирей Хома, барз жалує за о. Шевчуком. Гварят, што он зберат по хыжах якыси подписи на просбі, штобы того ксьєндза ту оставили. Знаме, што даякых 10—15 подписов тых старых дівок и баб с того ксьєнжого братства збере, а других 10—15. м же пофалш вати, однак маме надію, же тоты штуки споводованы ксьєнжом фамилиом не найдут послуха.

ПОМІЩАЙТЕ
ОГЛОШЕННЯ
В ГАЗЕТІ „ЛЕМКО”

Незгода нас нищит.

Ой ты Бонаровко любя,
Яка ты змучена,
Давно было дуже ліпше,
Як не была-с вчена.

Тепер у нас много „вчєців”
И науки ріжной,
Наробили ворожнечи
И дост біды всякой.

Украинцы, „мудры люды”
До того довели:
Луг и союз украинок
В селі нам завели.

Кажут: кто не членом „Луга”
Такого забыти!
Такий человек, а ще русский
Не варт тепер жити.

Отец Ключас и в Союзі
Таких людей ганит.
Котры лише не сут в „Лузі”
Горши, як погане.

И так мусят рускы люды
Слухати, терпіти
И не вольно рускым зватись,
Бо мусит тремтіти.

Бо бют, гонят луговики,
Не дают ту жити,
„Мы на це є соколики
Щоб кацапів бити”.

Небезпечно через село
Перейти одному
Коло наших родных хаток
Чловеку рускому.

И так русский чоловіче
Мушиш ся мучити,
Где ты вырос, выховал ся,
Не можеш ту жити.

Селянин.

Молодому Лемкеви с Ростокы Великой.

В ч. 18. с 1934 року выписал якыйси недовареный „дописувач” купу бздур о чародіях и подписал ся „молодой Лемко с Ростокы Великой”.

Яко старый лемка, мушу тобі недовареный Лемку отповісти, же у нас в Ростокі Великой лем ты оден хотіл бы быти чародієм, бо ты купил собі чародійскы книжки и ты пробовал в ночи ходити на цментер, але на ты страх пустило, жет ты утекал так, жес лишил капелюш. Высміваш Томка, але Томко порядный газда, спомагат бідных, ходит до церкви и молит ся, а ты вводиш комунизм, хотіл єс застрілити свою маму и шмарял—єс фляшками до святик образов. Остав отже в спокою Томка и вєз ся до работы, жебы мати не мусіла ходити за прошеным хлібом. Не черн честных людей, бо не знаш, ци ище не будеш их просити о фалаток хліба.

Старый Лемко.

Сплетні украинского Лемка.

„Наш Лемко” с дня 1. марта Ч. 5. не ганьбил ся выступити против нашой молодежи и нашой читальні им. М. Качк. и выписал бздур о том, што будто бы наши хлопцы читальнякы с горішного конца села попили ся в корчмі и задумали побити в темных сінях других хлопцов, котры называют себе украинскыма просвітителями. Єст то тенденційна брехня, бо наши хлопцы с горішного, як и нижного конца села не сут жадныма украинцами, их няньове сидили в Талергофі и они таксамо называют себе рускыма. „Наш Лемко” доносит, што нижняне сут просвітителями Ждынї. То правда, лем, же они сут не украинскы просвітители, як доносит „Наш Лемко” але рускыма, бо они вшиткы належат до нашой читальні им. М. Качк. и николи не подтримовали украинску просвітительну роботу. Правда, єст гев трох талиролизів, оден листонош „Нашого Лемка”, другой коровяр от „Справы”, а третий организатор „Дністра”. Лем они одны хотіли бы будовати Украину и лижут талиры. Але и они мусят уважати, бо як ся им талиры побют, то собі покалічат языкы и не будут могли талиры лизати.

Поза нима украинцов у нас нїт и даст Бог —небуде.

Ждынскый.

ПОЧТОВЫЙ ЯЩИК.

1) На питання, где можна заасекуровати ся на случай смерти, або свою живину и хату, подаєме, штобы вшиткы тоты звертали ся до г-на Перелома в Сяноці, к трый єст инспектором асекурацийного Т-ва „Vita i Krakowskie”.

2) Г-н Михаил Балутянский Завадка Рым. В ділі расовых кроликов прошу звернути ся до Окружного Т-ва Рольного в Сяноці.

Комуникат

в ділі войскового побора рекрута в р. 1935.

В текучом року отбуде ся головный побор (асентерунок) рекрута:

1) в Мушині в Дому Здрєвом от дня 2 мая до 8. мія т. р. включно и так:

2. мая о год. 7.30 Мушина місто и Злозке.

4. „ „ „ „ Андрєсвка, Дубне, Ястрѣбик, Лєлюхов, Милик, Поворозник, Щавник, Войкова, Жегестов.

6. „ „ „ „ Берест, Чирна, Мохначка Нижна, Мохначка Выжна, Перунка, Мушинка, Тылич.

7. „ „ „ „ Крыница село, Камянна, Крижовка, Росток Великой, Угрын, Лосє.

8. „ „ „ „ Крыница Здрой.

2) в Старом Санчі в салі Сокола от дня 9. мая до 20 мая т. р.

Близши подробности нахдѣт ся в обвіщенях, якы Старцтво росслало до вшиткых сел и котры слтысы мают оголосити.

До побору мают станути вшиткы особы мужеского пола, котры уродили ся в 1914 р. и неасентерованы передом, уроджены в 1913 и в 1912 року.

Як увеличити сбор дакотрых паш.

Каждый с нас знае, же господарства наши могут ся поднести через рациональне кормлене коров, бо втотчас и газда не мусит постити и за масло може взяти даякый грош. Штобы однак добре и рационально кормити наш етаток, треба конечно старати ся придбати веце доброй и поживной пашы. Сут способы, при ужитю котрых можна с землі выдебыти значнійши користи, але способы тоты сут у нас мало стосованы. Одним с таких способов ест сіяне мішанок, котры сильно пидносят плоды со землі.

Як медже народами иде сильна и завзята ривализация и каждый народ, канда держава найбільше труда ложит на того, штобы удержати сильну и битну армию, бо знае, же як буде слабый, то го други, сильнійши державы сожрут,—як авіята напругают вышныи свои силы, штобы не уступити другим, бо недостаток силы, то згуба, — таксамо „в бербі о быт“ побуждають ся рослинны и розрастають ся сильнійше. В том случае входят в гру отмінны вымаганя рослин, то значит, „жа канда рослина поберає кормовы складники со землі в иншой пропорции. Ест лем одна біда, же тых мішанок, котры сіют, ест мало и тому треба ся ограничити до существующих возможностей. Найчастійше сіют мішанкы рослин мотыльковых на зелену пашу и мішанку зерна с мотыльковима—на зерно. На мішанку хлібно-мотылькову надає ся найліпше овес сіяний с гороховима, н. пр. овес и выка або горох. Мішат ся в пропорции 75 кг. овса на 25 кг. выкы або хороху. Мішанка така дає значно ліпши результаты, як сам овес або сама выка, або хорох. Притом в случае градобитя, град нищит менше мішанку, як сам овес. Плоды сут значно вышши, а отділити овес от гороху, або выкы ест легко на трьєрі. С такой мішанкы достаєме барз гарде зерно и добру солому. Если ходит о мішанку сіна,—сіно або зелену свіжу пашу, то треба дати перевагу рослинам горо-

ховым (на 100 кг. гороховых 25 кг. хлібных) и сіяти густійше.

До рослин, саджєных позднем весном и даяким барз дуже зеленой пашы належит конский зуб, котрый удає ся на навозі стаином. Залзя не несхедит, треба усувати пересты и бурьян, жебы его не заглушили.

Велику вартость кормову для живины представляют люцерна, котру можна сіяти в рядах, отдалєных от себе на 20 см. на капустниках, грулянисках и бурачисках, там, где попередного року было добре пегноене або на свіжом навозі. Люцерна вымагат дуже от землі, але и дає дуже, бо уж в першом року можна мати три покосы барз доброй пашы, с котру пезинеи старати ся каждый газда, если хоче увеличити доходы со своего господарства. Не треба бояти ся впроваджати новы пробы, раз може дашто аж и не повести ся, але назагал лем через пробы подносят ся господарства. Стары люды памятають, як у нас орали ище деревянным плугом, котрый лем с трудом зверха порушал землю, сподом земля была тверда, як скала и прото росины не могли добре закоренити ся и вырастали малы и никлы. Аж нагло появил ся плуг желізный, легчий, наручийший, котрый ишел глубоко в землю. Але стары люды неохотно куповали такы плугы, бо повідали, же то „вымысл панский“ и дальше шпортали землю деревяном сохом. Аж коли увиділи, же на землях переоранных глубоко желізным плугом редит ся лучше, зашмарили соху и приняли желізный плуг. Так и дческа дакотрым здає ся, же такы новы пробы, то лем „панский вымысл“. Але того не бойме ся, впроваджайме ріжны пробы на господарствах, перекунайме ся сами, котры пробы дають добры результаты и тым способом доходме до выдебыти с землі як найбільших користей!

Землі має каждый што раз менше и прото мусиме ю використати цілковито!

Переродили ся протягом дня.

В числі 15, на 14. квітня 1935 газеты „Слово“, органа Православной Консистории в Варшаві поміщено Протест митрополита Дионизия, головы православной церкви в Польщі и вступный артыкул под заглавем: „Вандализм XX-го віка“.

Протест митрополита Дионизия адресованный на руки председателя рады министров в Польщі, як тоже и артыкул „Вандализм XX-го віка“ дотичат наміреного большевиками збурєня Софійского Собора в Києві.

В протесті митрополита Дионизия читає

дословно „што Софійский Собор одна из „наибольших православных святынь для украинского народа“, котра ест памятником „украинского зодчества в XVII и XVIII в.“ отже против ей збурєня протестує он „как православный Архипастыр миллионов украинского населения“.

В таком самом дусі и такых самых словах именем „украинского“ народа составленный ест цілый артыкул „Вандализм XX-го віка“. Читайте добре и уважно православныи лемкы 15 те число православного „Слова“, читайте, очы протєрайте, ударяйте ся пастуком по чєлі, штобы вам ся не здавало, же то сон и начинайте мыслити.

Наши предіды, етцєвы и мы уважали Киев с его храмами и соборами за колыбель русской славы.

Учены цілого культурного світа протестуют против розрушения Софійского Собора, яко исторического русского памятника.

А митрополиту Дионизию несподівано поплентало ся в голову и с місца завернул в сторону своих украинских помощников епископа Алексея (волынского) и Поликарпа (лудцкого).

Нам не дивно, што таке ся діє, бо если перед пару тижнями цілый собор волынской православной епархии (а было их там со 100 люда) на команду посла Певного единогласно ухвалил украинизацию православной церкви и обряда, то якже мог опєрти ся пану „Певному“ сам Дионисей с редакторами православного „Слова“, але знаме, што наши браты лемкы, котры пошли под команду митроп. Дионизия справу тоту возмут собі до сердца веце як их митрополит.

Ему все одно, чим быти, ци руснаком, ци украинцом, ци литовцом, ци врєштї турком, лем штобы повволити ему быти „православным“, а наш лемко в православю гладал рускости, он переходячи в православє хотіл утечи и скрыти ся в стїнах такой церкви, котра пошановала бы его историчне имя, его национальну минувшость.

Оказує ся, што утек из дожджа пєд рыву.

Штоже поможе, же тых пару православных священников на Лемковщині (медже котрыма сут и маскованы украинцы) будут кадити нашому брату лемкови под нос тым, што лем православна церковь—то руска, коли на ділі оказує ся, што то неправда.

Православна церковь в Польщі сукраинизовала ся на команду в одєн день, сукраинизовала ся, начинаючи от найскромнійшого диякона а кончачи на голові своей, митрополиті Дионизию.

Г. П.

У х в а л а Л е м к о - С о ю з а.

Правленє Лемковского Союза на своем засіданю дня 17 марта 1935. р. в справі выплаты запомогы похоронной по смерти члена и в справі выплаты отшкодованя за павшу живину рішило:

I. В справі похоронного фонда членов Лемко-Союза. Право до выплаты похоронной запомогы в сумі 70 злотых мають законны наслідники лем того члена, котрый вступил до Лемковского Союза не перєсягнувши 50 (пяддесятого) року житя и был членом организации безпрєрывно найменше два літа, уплачаючи точно членскы вкладки, уставом организации предвиджены.

II. В справі отшкодованя за павшу живину.

- Право до отшкодованя набыват член лем по трох місяцах своей членской принадлежности до организации и лем втотчас, коли платит точно вкладки.
- Отшкодованє може достати лем за живину, котра становила его власность або власность его мужа (жены), жиющего с ним в одной господарці.
- Отшкодованє достає за живину, страчену наслідком случайной, неувяненной хвороты, повсталой без ничией вины або несчастного случая и то за живину рогату, або коня, котры сут понад рок стары.
- Организация не платит отшкодованя, если падєнє живины наступило наслідком якойнибуд пануючей в сєлі пошести (заразы) а также не платит отшкодованя за живину, котра упала наслідком застарілой хвороты, котра обявляла ся ище перед вступленєм владельца до организации и за живину, котру член организации купил с обявами застарілой хвороты.

Выслід конференції в Стрезі.

Конференція в Стрезі уж ся закончила. Державы, котры в той конференції брали участь т. є. Англия, Франция и Италия договорили ся, чого будут тримати ся в Раді Лиги Наций, коли там будут розглядати скаргу Франції на нарушенє Германиом версальского трактата.

Дале всі три державы признали конечность сохранения незалежности Австрии, а крім того конечность пляновой работы для охорони безпеченства на Выході Европы.

Рішено в коротком часі скликати нову конференцію для рішення всіх питань относительно середной Европы и заключения авиационного пакта. Нова конференція має собрати ся в Римі 20. мая того року, а будут брати в ней участь Италия, Франция, Австрия, Мадярщина, Германия, Польша и державы Малой Антанты.

Сензациом было заявленє Саймона, што Германия готова єст принять участь в Выходном пакті о неагрессии.

Официальне германске заявленє об'яснят, што Германия згаджат ся приступити до проекта выходного пакта лем не в его дотеперешной редакции, а до такого, котрый бы представлял коллективный договор о ненападению и неданю помочи нападающей стороне, однак без обовязка воєнного выступлєня.

Што чути в світі.

Кольоровы войска в Альзациі. Францускы войсковы власти рішили вскріпити охорону выходных границ Франции. Прото выслали до Альзациі над границом швайцарськом сильны отділы колонияльных войск, котры складають ся с мароканцов и сенегалийцов. Як знаме, то они мають чорный кольор тіла. Мароканцы мають вмісто багнетів великы левецкы ножи.

В Нормандии дошло до великих селянских заворушень с причины надмірних податков и податковых екзекуцій.

Украли дипломатичны документи. Японскому делегатови на медженародну конференцію в Лондоні, коли приїхал до Сеулю в Корею, украли документи, котры дотычили наряд. Додумують ся, што документи украли агенты державы, котра граничит с Японіом.

Женщина—строгий судия. В Москві єст судиом одна женщина Мария Кириєва, котра отзначат ся великом строгостью, переходячом даколи жестокость. Найчастіше выдає присуды смерти и то не лем за убийства, але и за крадеж. Минулого тыждня засудила три особы за крадеж на кару смерти. Засуджены откликали ся до высшего суда, котрый однак отклик отшмарил и присуд выконано.

Грецке правительство выдало приказ, штобы розвязати всі организации антисемитскы.

В Страсбургу штрайкують студенты на знак протеста против чужих лікарів у Франции.

Велика шпионска организация в Югославии. Югославянскы власти выкрыли велику шпионску организацию. Централья той организации была в місті Мариборі. Полиция аресто-

вала много особ, а медже нима и шефа организации Кляйнеца, котрый дописовал до австрийских газет.

В Японии єст много вульканов. Понеже в послідних часах много особ скакало до кратеров, штобы в тот способ покончоти с житєм, уставлено коло вульканов полицииную сторожу, штобы до того не допустити.

С арматом на мухы. В Египті вынашли новый способ борбы с мухами, котрых там єст барз много. За містом зберают велику купу смітя, поливают ю течом, котра принадажат мухы. Коли уж тоту купу обсядут мухы в велик й скількості, стріляють на ню с арматы и в тот способ убивают мухы.

В Голандии створили концентрационный обоз, в котром будут тримати прикрых чужинцов. В обозі єст уж семах комунистов с Германии.

На острові Куба полиция арестовала кількадесят особ членів банды, котры упроводили миллионера Бонета и выпустили на волю лем тогды, коли достали окуп 800 тыс. дол.

Продавала мясо с котів и псов. Жителі села Таркая в Румунии спостерегли, што от якогось часу пропадают их коты и псы и ніт по них ниякого сліда. Начали слідити и ствердили, што різничка Михалина Рошта убивала псы и коты, а мясо их продавала вмісто козячохо. В ей пивниці нашли много скелетов тых звірат. Полиция заняла ся тепер том різничком.

В Кантоні в часі киньового сеанса завалил ся театральный будынок и притом згынуло кільканадесят особ, а кількадесят потолклє ся.

На советских пильотов Попова и Василевского, котры в часі бури мусіли осісти на степах коло Царицина напали волкы. Пильоты ледво утекли.

В индийском парламенте поставлено вносење, штобы заборонити населению уживати чай.

Австрийский президент ген. Штаремберг здал испит на пильота.

Вожд Ирландии де Валера сліпне. Шеф ирландского правительства де Валера терпит от долшого часу на хвороту очей, котра єму грозит утратом взору.

Где єст ген. Кутепов? Минуло уж кілька літ от часу, як в таємний способ пропал без вісти с Парижа ген. Кутепов, котрый был проводником рускых эмигрантов с России на заході Европы. Одны гварили, што Кутепова схватили большевики и замордовали други зас, што єго вывезено до России. Недавно приїхал с Парижа оден человек, котрый под прибранным назвиском был в России и оповідат, што там виділ ся с одним давным своим приятельом, котрый служит тепер в ГПУ и узнал от него, што ген. Кутепов добровольно дал себе упроводити до России. Он перебрал ся за пастора, оголил бороду и усы так, што єго не можна было познати. В России дал большевикам информации о эмигрантах и о плянах, котры тоты мають на случай войны с большевиками. В Совітах Кутепова стережут пильно так, што он не може до никого ани писати ани с никым ся видіти.

Ци то правда, не знати. Але и инши факты кажут догадовати ся, што оно так и єст.

Над ріком Евфратом открыто руины двох міст Довра-Европас с третого столітя нашей еры.

Відомости с краю.

Жебрачка зятягнула до села тыф. Недавно выбух в одном селі под Краковом плямистый тыф. Оказало ся, што тоту хвороту завлекла до села одна жебрачка, котра пак в том селі захворіла и умерла. Прото треба смотріти, если якийсь чужий человек приходит до села, штобы сой не напытати біды.

Умерша вернула с гроба. Недавно жена одного дорожника колиового во Львові посварила ся с своим мужем, вышла с дому и больше не вернула. За кілька дней по том факті трамвай на одной улиці переїхал якуси стару женщину, в котрой дорожник позвал свою жену. Поховал ю як випадат и поставил на гробі напись, котра свідчила о том, што там єст похоронена єго жена. Якеж однак было удивленє, коли за тиждень двєри „осиратілого“ вдовца отворили ся, в них указала ся похована жена. Показало ся, што жена того дорожника поїхала до Городка до своих кровняков, але по тыждню затужила за мужем и дітьми и вернула до дому. Жєнщина, котру переїхал трамвай, была якаси совсем незнана, а дорожник мыльно взял ю за свою жену.

В Станиславові, где зрезыгновал бурмистр, выбрано нового бурмистра в особі посла Здзислава Стронского.

На Холмщині мають в коротком часі перевести електрификацию всіх міст и сел.

До Варшавы приїхал болгарский министр заграничных справ Радев, котрый при той случайности звиджат цікавы місцевости. Медже иншими звиділ копальні соли в Величці.

Фалшивый клерык. В повіті ченстеховском появил ся перед кількома місяцами якийсь молодой чоловік, убранный в сутанну, котрый подавал ся за выхованка миссионаров в Африці. Коли полиция зачала пытати єго о документи, оказало ся, што он не был выхованком тых миссионаров, а гроши забєрал прото, што хотіл поїхати до Африкы. Суд, где тота справа вкєнци нашла ся, выдал уневинняющий верок.

Найдешовше

можна купити сало, солонину, смалец и колбасу у Мосали в Крыніці-Здрєу (давнійше Кметонич) напроти торговий галі.

Сало и солєна солонина по 1.20 зл.

Смалец и колбаса по 1.40 за 1 кг.

Склепам и кооперативам значный опуст.

Користайте с той небывалой okazji!

Увага Склепары!

Продам, выарєндую, або прийму спольника до сєльского склепу, положеного при тракті. Условиє добры. Близиши информации даст редакция „Лємка“ по на-досланю почтового значка за 25 грошей на отвѣт.